

ଶୁଣାଇ  
ଗନ୍ଧାରୀକୁଟୀଖଳ  
କୃତ୍ତିମ ମାନୁଷୀ ୩  
ଆଲମ ପ୍ରମାଣ

# জুলাই গণঅভ্যর্থনার কওমী মাদ্রাসা ও আলেম সমাজ

জাওয়াদ আহমাদ

ইতিফাদ  
নতুন প্রজন্মের প্রকাশনা  
বুক স

## জুলাই গণঅভ্যর্থনে কওমী মাদ্রাসা ও আলেম সমাজ

লেখক	জাওয়াদ আহমাদ
প্রথম প্রকাশ	বইমেলা, ২০২৫ খ্রি.
প্রচ্ছদ	খন্দকার যুবাইর
পৃষ্ঠাসংজ্ঞা	টিম ফাউন্টেন
স্বত্ত্ব	লেখক
প্রকাশক	আবদুর রহমান আদ-দাখিল
প্রকাশনা	ইন্সিফাদা বুকস
বইমেলা পরিবেশক	বৈষম্যবিরোধী ছাত্র আন্দোলন
পরিবেশনা	ফাউন্টেন পাবলিকেশন্স
বিক্রয়কেন্দ্র	দোকান নং ২১, কওমি মার্কেট ১ম তলা, ৬৫/১ প্যারিদাস রোড, বাংলাবাজার, ঢাকা-১১০০ ফোন: +৮৮০ ১৭৬৮-৮৬৪৪২৮ (সেলস) +৮৮০ ১৭৮৯-৮৫৪৬০২ (অফিস)
অনলাইন পরিবেশক	Rokomari - Wafilife - Boisodai
আইএসবিএন	৯৭৮-৯৮৪-৯৭৯৬০-৬-০
মুদ্রিত মূল্য : ৩০০ ট	



## সূচিপত্র

- প্রকাশকের কথা । ৭  
শুরুর আগের কথা । ৯  
শুরুর কথা । ১২  
কেটার সাথে কওমীর কী সম্পর্ক? । ১৬  
হজুরদের না থাকাই ছিল থাকা । ১৮  
ফেসবুক যখন হাতিয়ার । ২০  
দেশ স্বাধীন না হলে আমার লাশও খুঁজে পাওয়া যেত না! । ২২  
হাজত থেকে বের হয়ে দেখি দেশ স্বাধীন হয়ে গেছে । ২৫  
আন্দোলনে যাওয়ার জন্য মায়ের নান্দার ঝলক করে রেখেছিলাম । ২৮  
উত্তরায় মাদ্রাসার ছাত্রদের সাহসী অবস্থান । ৩৮  
বৈষম্যবিরোধী ছাত্র আন্দোলনে জামিয়া ফরিদাবাদ । ৪৩  
আন্দোলনের পাওয়ার হাউজ যাত্রাবাড়ি মাদ্রাসা । ৪৮  
ফ্যাসিবাদ বিরোধী অগ্রসেনানী জামিয়া মাদানিয়া বারিধারা । ৫৩  
মাদারিসে কওমীয়া মুহাম্মাদপুর ও জুলাই গণঅভ্যর্থন । ৫৫  
আন্দোলনে ঢাকার বাইরের মাদ্রাসাসমূহের অবদান । ৫৬  
হেফাজতে ইসলাম বাংলাদেশ ও আমাদের গণআন্দোলন । ৫৭  
আমার সন্তানের লাশ নিয়ে আমরা কববস্থানের দিকে যাব না । ৬০  
সরকারকে শায়খ হারুন ইজহার হাফি.-এর দশ নাসিহা । ৬২  
জুলাই গণঅভ্যর্থনে ইসলামি আন্দোলন বাংলাদেশের প্রাসঙ্গিকতা । ৬৬  
মুক্তির আন্দোলনে জমিয়তে উলামায়ে ইসলাম বাংলাদেশ । ৬৯  
আমারও কিছু বলার আছে । ৭২  
একটি পুঁজীভূত ক্ষোভ থেকে সৃষ্টি সাধারণ আলেম সমাজের । ৭৪  
সংহতি সমাবেশে মুসা আল হাফিজ হাফি. । ৮০  
আন্দোলনটি কেটা ইস্যুর চেয়েও গভীর : মুসা আল হাফিজ । ৮৪

- কেটা আন্দোলনের শুরুতে সরকার প্রতিনের গোড়ম্যাপ ছিল মুসা আল  
হাফিজের কলামে : সাঈদ চৌধুরী । ১০
- যেকেনো জুলুমের বিরুদ্ধে উলামায়ে কেরাম ছিলেন,  
আছেন এবং থাকবেন । ১২
- দেশ স্বাধীন না হওয়া পর্যন্ত ছাত্রদের সাথে ছিলাম, আছি এবং থাকব । ১৪
- সংহতি সমাবেশে মুক্তি আমিনির দৌহিত্রি আশরাফ মাহদী । ১৯
- আন্দোলনে কওমী ঘরানার যত মিডিয়া । ১০১
- শহীদ মাহমুদুল হাসান মাহদী রহ. । ১১৩
- শহীদ খুবাইব বিন আব্দুর রহমান রহ. । ১১৬
- বৈষম্যবিরোধী ছাত্র আন্দোলনে চোখ হারানো আমজাদ । ১১৯
- বৈষম্যবিরোধী ছাত্র আন্দোলনে এক পা হারানো জুনায়েদ । ১২০
- হজুররা এতদিন কোথায় ছিল? । ১২১
- ১৩ সালে হজুরদের মানুষ মনে করলে আজ ২৪ হতো না । ১২৩
- এই প্রথম কোনো আন্দোলনকে জঙ্গি আন্দোলন প্রমাণ করা যায়নি । ১২৫
- বেফাক তুমি কার? । ১২৬
- আন্দোলন ব্যর্থ হলে কওমী মাদ্রাসার কী হতো? । ১২৮
- অভ্যর্থন পরবর্তী দেশ সংরক্ষণ ও সংস্কারে আলেম সমাজ । ১৩০
- রাষ্ট্র সংস্কারে কওমী তরঙ্গদের সুযোগ দেওয়ার সময় কি হয়নি? । ১৩২
- দেখা যদি না হয় আর, তবে ক্ষমা করে দিও । ১৩৪
- শেষ কথা । ১৩৭
- জুলাই বিপ্লবে মাদ্রাসার শিক্ষার্থী শহীদগণের তালিকা (প্রাথমিক) । ১৩৮



## প্রকাশকের কথা

কোনো সন্দেহ নেই, জুলাই গণঅভ্যর্থনান বাংলাদেশের ইতিহাসের নতুন বাঁক। মানুষ স্বতঃস্ফূর্তভাবেই একে বাংলাদেশের দ্বিতীয় স্বাধীনতা এবং দ্বিতীয় মুক্তি স্বীকৃতি দিচ্ছে। আওয়ামী ফ্যাসিবাদের করালগ্রাস যেভাবে বাংলাদেশকে অঞ্চেপ্পঞ্চে জড়িয়ে দিয়েছিল, তা থেকে কোনোদিন মুক্তি মিলতে পারে, সে আশাই ছেড়ে দিয়েছিল বাংলাদেশের মানুষ। কিন্তু সৃষ্টিকর্তার সিদ্ধান্ত ছিল ভিন্ন। তার সংবিধানে লেখা আছে, জুগুম কখনো স্থায়ি হয়না। ফলে তার লিখে রাখা সময়ে এবং পরিকল্পিত নিয়মেই এক অবিশ্বাস্য স্ফুরণের সাক্ষী হলাম আমরা—যা হয়তো একমাস আগেও আমরা কল্পনা করিনি। সামান্য কোটা আন্দোলন রূপ নিল স্বেরাচার পতনের উত্তাল শ্রেতে; যার তীর ধাক্কা তাসের ঘরের মতো নিমিয়েই ভেঙে খানখান করে দিয়েছিল ফ্যাসিবাদী শক্তির সকল ক্ষমতা।

বলাবাহ্ল্য যে, এই মহা উত্তাল জনশ্রোতে দেশের প্রতিটি শ্রেণীপেশার মানুষ অংশ নিয়েছিল স্বতঃস্ফূর্তভাবে। যার ফলেই আমাদের কাঙ্ক্ষিত মুক্তি তরাহিত হয়েছে। বিশেষ করে আন্দোলন যখন স্বেরাচার পতনের আন্দোলনে ঝঁপাস্তরিত হয়নি, তখন থেকেই কওমি মাদরাসার ছাত্ররা নিজেদের উদ্যোগে আন্দোলনের সমর্থনে পথে নেমেছিল; যদিও কোটা আন্দোলনের সাথে কওমি মাদরাসা ও আলেমদের জড়িত হবার কোনো কারণ ছিল না। আর আন্দোলন যখন মহাসমুদ্রে রূপ নেয়, তখন কওমি মাদরাসার ছাত্রদের বৃহত অংশগ্রহণ বিভিন্ন স্থানে আন্দোলনের মোড় ঘুরিয়ে দিয়েছিল।

মূলত সিপাহি বিদ্রোহ থেকে ২৪-এর জুলাই গণঅভ্যর্থনা—বাংলাদেশের প্রতিটি আন্দোলন-সংগ্রামে আলেম সমাজ ও তোহিদী জনতা ছিলেন প্রথম সারিতে। ব্রিটিশ বিরোধী লড়াইয়ে মুজাহিদ আলেমদের ফাঁসি, ভাষা আন্দোলন, ৬৯-এর গণঅভ্যর্থনা ও মুক্তিযুদ্ধে তাঁদের আত্ম্যাগ ইতিহাসের অবিচ্ছেদ্য

## ৮ ◆ জুলাই গণঅভ্যর্থনানে

অংশ। কিন্তু এক কুচক্ষি মহল বারবার তাঁদের এই গৌরবময় ভূমিকা মুছে ফেলার অপচেষ্টা চালিয়েছে।

সর্বশেষ ২০২৪ সালের জুলাই গণঅভ্যর্থনানেও কওমি মাদ্রাসার ছাত্র ও আলেম সমাজের ভূমিকা অনন্য। ফ্যাসিবাদের রক্তচক্ষু উপেক্ষা করে রাস্তায় নেমে আসা এসব আলেম ওলামা, মাদরাসা ছাত্র ও তৈহিদী জনতার অনেকেই শহীদ হয়েছেন, অনেকে আহত হয়ে চিরতরে পঙ্কু হয়েছেন। তাদের আত্মত্যাগই এক নতুন বাংলাদেশের ভিত্তি রচিত হয়েছে। এই বইয়ে আমরা অত্যন্ত সংক্ষেপে তাদের সেই অবদান তুলে ধরার চেষ্টা করেছি, যেন সত্য ইতিহাস প্রজন্মের পর প্রজন্ম সংরক্ষিত থাকে।

আমি দৃঢ়ভাবে বিশ্বাস করি যে, ২৪ এর গন অভ্যর্থনানে কওমি মাদরাসা ও আলেম সমাজের অবদান বাংলাদেশের ইতিহাসের এক অবিচ্ছেদ্য অংশ এবং তাদের সংগ্রাম ও আত্মত্যাগের মূল্যায়ন প্রয়োজন। এই বইটি সেই জাতীয় ইতিহাসের প্রতি অঙ্গীকার, যা নতুন প্রজন্মকে জানাতে সাহায্য করবে যে, কওমি মাদরাসা ও আলেম সমাজের ভূমিকা কখনো অঙ্গীকারযোগ্য ছিল না, এবং ভবিষ্যতেও তা অক্ষুণ্ণ থাকবে। প্রকাশক হিসেবে আমি বিশ্বাস করি যে, বাংলাদেশের ইতিহাসের এই মহান অধ্যায়কে সঠিকভাবে উপস্থাপন করা ও সংরক্ষণ করা একান্ত প্রয়োজনীয়, যাতে জনগণ তাদের সংগ্রাম ও আত্মত্যাগের গুরুত্ব বুবাতে পারে এবং সঠিকভাবে শুন্দা জানাতে পারে।

আবদুর রহমান আদ-দাখিল  
প্রকাশক, ফাউন্টেন পাবলিকেশন্স  
২০-০২-২৫ প্রিট্যান্ড

## শুরুর আগের কথা

এই পাক ভারত উপমহাদেশে দেশ, দশ ও দ্বিন ইসলামের উপর আঘাত আসলে সবার আগে ঝাঁপিয়ে পড়ে যে কাফেলা, তা হলো—আহলে হকের পতাকাবাহী কওমী মাদ্রাসা ও আলেম সমাজ। ১৮৫৭ এর সিপাহি বিপ্লব থেকে শুরু করে ১৯৪৭ এর দেশভাগ এবং ৭১-এর মুক্তিযুদ্ধ থেকে শুরু করে ২৪-এর গণঅভ্যুত্থান! এমন কোনো গণআন্দোলন পাবেন না যেখানে কওমী মাদ্রাসা ও আলেম উলামার প্রত্যক্ষ ও পরোক্ষ অংশগ্রহণ ও সহযোগিতা নেই।

অবশ্য এ সিলসিলা ১৮৫৭ থেকে শুরু হয়নি বরং এর প্রারম্ভিক রচনা করেছেন বিশ্ব মানবতার মুক্তির দৃত আমাদের নবী হজরত মুহাম্মাদ সাল্লাল্লাহু আলাইহি ওয়া সাল্লাম। শৈশব থেকে কৈশোর, কৈশোর থেকে নবৃত্য প্রাপ্তির আগে ও পরে পুরোটা সময় দেশের স্বার্থে, দশের স্বার্থে দ্বিন ইসলামকে বিজয়ী করতে যখন যা করণীয় তাই করেছেন। কাবা ঘর পুনর্নির্মাণে পাথর বহন থেকে শুরু করে, মাটি খনন সবকিছুতে তার শতভাগ অংশগ্রহণ ছিল। নবৃত্য প্রাপ্তির পূর্বেই তিনি আরবদল, উপদল থেকে পেয়েছিলেন “আমিন” (বিশ্বসী) নামক উপাধি। পাশাপাশি হাজরে আসওয়াদ প্রতিষ্ঠাপনের গুরু দায়িত্বও পালন করেছেন সকল গোত্রের সম্মতিক্রমেই।

মূলত, কওমী মাদ্রাসা ও আলেম সমাজ প্রিয় নবী সাল্লাল্লাহু আলাইহি ওয়া সাল্লামের গুরুত্বপূর্ণ এই সুন্নাতের পরিপূর্ণ হক আদায়ে সবসময় সচেষ্ট থাকেন। তাই যখনই মানবতার মুক্তির ডাকে কিছু করার সুযোগ থাকে, সর্বাঙ্গে ঝাঁপিয়ে পড়তে তারা দুইবার ভাবেন না। কওমী মাদ্রাসা ও আলেম সমাজ কখনই ধর্ম, দেশ ও জনতাকে আলাদা নজরে দেখেন না। তাদের দৃষ্টিতে ইসলাম একটি পরিপূর্ণ ধর্ম। এ ধর্মের ভেতরে দেশ আছে, দশ আছে, আছে দেশ-দশকে মুক্ত স্বাধীন করার গুরুদায়িত্বও। আর এ দায়িত্ব পালনে কোনোদিনই কওমী মাদ্রাসা ও আলেম সমাজ পিছপা হননি, ইনশাআল্লাহ হবেনও না!

## ১০ ◇ জুলাই গণঅভ্যর্থনা

এতদাসঙ্গেও দেশপ্রেমিক, দশপ্রেমিক, জনহিতাকাঙ্গী এ শ্রেণিকে কেউ অবমূল্যায়ন করে, কেউ অস্বীকার করে আবার কেউ সব জেনে বুঝেও থাকে চুপচাপ! তবে প্রয়োজনের সময় সব পেছনে ফেলে তারা যেমন ডাকতে ভুলে না, তেমনই দায়িত্ব জ্ঞান করে কওমী মাদ্রাসা ও আলেম সমাজও লাববাইক বলতে দেরি করেন না। এর জলজ্যান্ত উপরা ২৪-এর গণঅভ্যর্থনা! কোটা বিলুপ্তের দাবিতে শুরু হওয়া এই আন্দোলন যখন ফ্যাসিস্ট সরকারের দমন পিড়নের কবলে লাশের সারিতে রূপান্তর হচ্ছিল, তখনই এ আন্দোলনের সাথে সম্মতি জ্ঞাপন করে অনলাইন, অফলাইনে নিজেদের সর্বোচ্চটা দিয়ে মাঠে নামে কওমী মাদ্রাসা ও আলেম সমাজ। যার ফলে শতাধিক শহীদ ও সহস্রাধিক আহত শুধু কওমী মাদ্রাসার ছাত্র শিক্ষক ও আলেম উলামা।

কিন্তু দুঃখের বিষয়! একশ্রেণির মানুষ আলেম উলামার অবদানকে স্বীকার তো করতেই চায় না বরং জায়গা অজায়গায় সুযোগ পেলে প্রশংস ছুড়ে বসে, হজুররা এতদিন কোথায় ছিল? কওমী মাদ্রাসা ও আলেম উলামাকে চতুর্থ শ্রেণির জাতিগোষ্ঠি হিসেবে জ্ঞান করে! অবশ্য চামচিকা যদি সুর্যের আলোয় দেখতে না পায়, তবে সে দোষ কি সূর্যের হতে পারে! সে জায়গা থেকে বলা যায়, এ দুঃখ কওমী মাদ্রাসা ও আলেম সমাজের না। বরং এটা তাদেরই দুঃখ ও ব্যথার বিষয় হওয়া উচিত। যারা কী-না, জেনে-না-জেনে দেশপ্রেমিক একটা কমিউনিটিকে অস্বীকার করছে এবং তাদের থেকে দূরত্ব বজায় রাখছে।

কওমী মাদ্রাসা ও আলেম সমাজ মুক্তির আন্দোলনে যতটা অগ্রভাগে নিজেদের অবদানকে প্রচার প্রসারে ঠিক ততটাই পেছনে! ফলে এই অবদানগুলো নির্দিষ্ট কারো প্রয়োজনেই ব্যবহার হয়ে আসছে যুগের পর যুগ।

ভারত-পাকিস্তানের চিত্র কিছুটা ভিন্ন। আজাদির আন্দোলনে ভারতে আলেম উলামা ও দেওবন্দের অবদান পুরো ভারতব্যাপি স্বীকৃত। যদিও মোদির হিন্দুত্ববাদী সরকার মুসলিম নিধনে তৎপর, তারপরও ভারতজুড়ে আলেম উলামা ও দেওবন্দের ইতিহাস স্বীকৃত চর্চিত। পাকিস্তানেও একই। বলা যায় ভারতের থেকেও পাকিস্তানের অবস্থা এক্ষেত্রে ভালো। তবে বাংলাদেশ একেবারে ভিন্ন! ২০ হাজারের অধিক কওমী মাদ্রাসা ও কোটির

অধিক ছাত্র থাকা সত্ত্বেও আজ অবধি না মিলেছে কার্যকরী সরকারি স্বীকৃতি আর না প্রতিষ্ঠা হয়েছে সামাজিক মূল্যবোধ। এটা এ দেশের জন্যই দুঃখের বিষয় বলা যায়।

যাহোক! আরশে যার স্বীকৃত সম্মান দুনিয়ার অস্থিকৃতিতে তার কী আসে যায়! সেজন্য কওমী মাদ্রাসা ও আলেম সমাজ হয়তো কোনোদিনই নিজেদের স্বীকৃতি আদায়ে কঠোর কোনো কর্মসূচি দেবেন না বা দুঃখ আক্ষেপে বিলোপ করবেন না। তবে তাদের ইতিহাস-ঐতিহ্য-অবদান, অবশ্যই সংরক্ষিত থাকার দরকার। তাদের প্রাপ্য স্বীকৃতি আদায় করা দরকার। এটা এদেশের আপামর জনতার জন্যই মঙ্গলজনক।

## শুরুর কথা

দেশে সেসময় ইন্ডিয়া আউট ক্যাম্পেইন চলছিল। এরমধ্যে খবর আসল ভারত বাংলাদেশে রেল ট্রানজিট পাছে। জনমনে আগে থেকেই ইন্ডিয়ার প্রতি ঘৃণা ছিল এ সংবাদে জনক্ষেত্র আরো কয়েকগুণ বেড়ে গিয়েছিল। এরমধ্যে শিক্ষার্থীদের কোটা সংস্কারের আন্দোলনটা সামনে আসে। ইন্ডিয়া আউট ক্যাম্পেইন চলাকালে নতুন একটা আন্দোলন দানা বাঁধতে দেখে অনেকেই ধারণা করেছিল ইন্ডিয়ার রেল ট্রানজিট ইস্যুটিকে ধামাচাপা দিতে র বা আওয়ামীলীগ এই আন্দোলন করাচ্ছে।

এমনকি জুলাই গণ অভ্যর্থনার অন্যতম স্টেক হোল্ডার পিনাকী ভট্টাচার্য দাদাও এ আন্দোলনকে শুরুতে নেগেটিভভাবে দেখেছিল। ৫ তারিখের পর বাংলা রুকড কর্মসূচি দিলে পিনাকী দা এই শব্দটা যে কলকাতা থেকে আমদানি এমন একটা ক্রিটিকও করেছিল। এই নেগেটিভ ভাবে দেখার একটা যৌক্তিক কারণ ছিল। কেননা ফ্যাসিস্ট হাসিনার আমলে এমন বহু ঘটনা ঘটেছে, যেগুলো ঘটানো হয়েছে জাস্ট কোনো একটা ঘটনা ঢাকতে। ইস্যু ঢাকতে নতুন ইস্যু তৈরি করতে হাসিনার জুড়ি ছিল না! কিন্তু বৈষম্য বিরোধী ছাত্র আন্দোলন যখন রক্ত দিয়ে জীবনের মায়া ত্যাগ করে একের পর এক কর্মসূচি দিতে থাকে তখন আস্তে আস্তে সকলেই এই আন্দোলনের যৌক্তিকতা, বাস্তবতা, ভালোভাবে অনুভব করতে থাকে। ফলে ক্রমশই তাদের সাথে একাত্মতার হার চক্রবৃন্দি আকারে বাড়তে থাকে।

জুলাইয়ের ১ তারিখ থেকে এই আন্দোলন আলোচনায় আসলেও এর শুরুটা হয়েছে আরেকটু আগে। ১৮ সালে ঢাকরিতে শতভাগ কোটার বিলুপ্ত হওয়ার পর ৫ জুন ২০২৪ এ হাইকোর্ট থেকে এই শতভাগ কোটার বিলুপ্তির পরিপত্র বাতিল করা হয়। এ রায় প্রকাশিত হবার পর ঢাকাসহ সারাদেশের

বিভিন্ন বিশ্ববিদ্যালয়ের শিক্ষার্থীরা কোটা সংস্কারের দাবিতে একত্রিত হন।  
এরপর কুরবানির সৈদ ও গ্রীষ্মকালীন ছুটি একসাথে শুরু হলে আন্দোলন

স্থগিত থাকে। পরে জুলাইয়ের ১ তারিখ থেকে নতুন করে পুনরায়  
আন্দোলন শুরু হয়।

ছোট শিশু যোভাবে একটু একটু করে হাঁটতে শিখে, তেমনই ২৪-এর  
কোটা সংস্কার আন্দোলনটি একটু একটু করে বড় হতে শুরু করে। প্রথমদিন  
শুধু বিক্ষোভ মিছিল, দ্বিতীয় দিন ১ ঘণ্টা অবরোধ কর্মসূচি, তৃতীয় দিন  
দেড়ঘণ্টা অবরোধ কর্মসূচি, চতুর্থ দিন ৫ ঘণ্টা অবরোধ, পঞ্চম দিন ছাত্রধর্মঘট  
হোষগা দেওয়া হয়। এরপর একে একে ছাত্রদের সাথে সাথে ছাত্রীদেরও ব্যাপক  
উপস্থিতি লক্ষ করা হয়। এভাবে ৯ জুলাই সকাল সন্ধ্যা বাংলা ইলকড নামে  
অবরোধ কর্মসূচি দেওয়া হয়। সারাদেশে পুলিশের বাধা থাকা সত্ত্বেও বাংলা  
ইলকড কর্মসূচি পালন করে ছাত্রো।

আন্দোলন শুরু হওয়ার পর কাঠালুরানী খ্যাত বাংলাদেশের প্রধানমন্ত্রী  
শেখ হাসিনা চীনের সফরে দেশের বাইরে ছিল। সবার ধারণা ছিল হাসিনা  
দেশে আসলে এই আন্দোলনের একটা সুরাহা হয়ে যাবে। কিন্তু ঘটনা ঘটে  
তার উল্টো! হাসিনা দেশে এসে এক সংবাদ সম্মেলনে আন্দোলনকারীদের  
“রাজাকারের নাতিপুতি” বলে সম্মোধন করে। আসলে এখানে তার  
দোষের তুলনায় তার সামনে উপবিষ্ট চাটুকার গোষ্ঠিরই দোষ বেশি ছিল।  
তাকে এমন প্রশংসন করা হয়েছিল, যার ফলশ্রুতিতে আন্দোলনকারীদের  
রাজাকারের নাতিপুতি বলে সম্মোধন করতে হয়। এর প্রেক্ষিতে সেদিন রাতে  
বিশ্ববিদ্যালয়ের হলগুলো থেকে—

তুমি কে, আমি কে?

রাজাকার! রাজাকার!

কে বলেছে, কে বলেছে?

স্বৈরাচার! স্বৈরাচার!

এই শ্লোগানে মিছিল বের হয়। এটা এমন এক শ্লোগান ছিল যা বাংলাদেশে

## ১৪ ◇ জুলাই গণঅভ্যর্থনা

বিগত ১৭ বছরের হাসিনার আমলে সৃষ্টি হওয়া জুলুমবাজ ন্যারেটিভকে ভেঙ্গেচুরে খান খান করে দিয়েছিল। হাসিনা তার পুরো শাসনামলে বিরোধী মত ও পথকে এই রাজাকার নামক ট্যাগ দিয়ে দমন করেছে। চালিয়েছে জুলম ও নিপীড়নও। কিন্তু সেদিন রাজাকার শব্দটিকে বাংলাদেশের জমিন থেকে চিরদিনের মতো জয় বাংলা (সর্বস্বান্ত) করে দেওয়ার বন্দোবস্ত করা হয়।

এরপর! ঘটে এক হাদয়বিদারক ঘটনা। ১৬ জুলাই রংপুরে বেগম রোকেয়া বিশ্ববিদ্যালয়ের শিক্ষার্থী আবু সাইদকে একেবারে সম্মুখ থেকে গুলি করে পুলিশ! যে ঘটনা পুরো দেশের মানুষকে নাড়িয়ে দেয়। আবু সাইদ বেগম রোকেয়া বিশ্ববিদ্যালয়ের কোটা সংস্কার আন্দোলনের সমন্বয়ক ছিলেন। পুলিশের ধাওয়াতে সবাই পিছে হটলেও দুই হাত প্রসারিত করে প্রাচীরের মতো দাঁড়িয়ে থাকেন তিনি। তার ধারণা ছিল, এতাবে দাঁড়িয়ে থাকা অবস্থায় রাষ্ট্রীয় ট্যাঙ্কে চলা পুলিশ তাকে গুলি করবে না। কিন্তু হায়েনার রূপে দাঁড়িয়ে থাকা পোশাকধারী পুলিশ তার ধারণাকে মিথ্যা প্রতিপন্থ করে বুক বরাবর গুলি করে। সেদিন সারাদেশে আবু সাইদসহ ৬ জন শহীদ হন। আহত হন কয়েক হাজার।

একদিনে ৬ জন শহীদ হওয়ার পর এই আন্দোলন আর স্বেফ কোটা সংস্কার আন্দোলনে আটকে থাকে না। এই ৬ শহীদ আন্দোলনের বারুদকে সর্বপ্রথম ব্যাপকহারে প্রজ্ঞালিত করে। ১৭ তারিখ ঢাকা বিশ্ববিদ্যালয়ের হলগুলো থেকে ছাত্রলিগের নেতা-কর্মীদের কুকুর তাড়ানোর মতো করে বিতাড়িত করা হয়। ১৮ তারিখ মেধাবী শিক্ষার্থী মীর মাহফুজুর রহমান মুক্তিসহ সারাদেশে ২০ জনের অধিক ছাত্র শহীদ হয়। মুঞ্চের এই মৃত্যু পাষাণ হাদয়ের অধিকারীর চোখেও পানি আনতে বাধ্য করে। বোঝাই যাচ্ছে, এই আন্দোলন আর কোটা সংস্কার আন্দোলনে নেই। এর বারুদ ছড়িয়ে পড়েছে পুরো দেশব্যাপি। এ পর্যন্ত শুরুর কথা হিসেবে ক্ষ্যাতি দেওয়া যায়। জুলাই গণঅভ্যর্থনানে অলরেডি আমরা প্রবেশ করেছি। এরপর ইন্টারনেট অফ করে দেওয়া, সমন্বয়কদের উঠিয়ে নিয়ে আন্দোলন থামানোর চেষ্টা করা, জামাত শিবির নিষিদ্ধ করা, সর্বশেষ ছাত্র জনতার তোপের মুখে হাসিনার পলায়ন! এর মাঝে বাংলাদেশের মাটি ও বুক ভারী হয় ২ হাজারের অধিক শহীদ

## কোটার সাথে কওমীর কী সম্পর্ক?

আন্দোলনের সূত্রপাত হয় সরকারি চাকরিতে চেতনার নামে কোটিবাজির বাড়াবাঢ়িতে। সরকারি চাকরিতে ৫৫ শতাংশ নিয়োগ কোটার ভিত্তিতে আর ৪৫ শতাংশ নিয়োগ মেধার ভিত্তিতে। এরমধ্যে মুক্তিযোদ্ধার নাতিপুতিদের জন্যই বরা ৩০ শতাংশ। নারী ১০ শতাংশ, জেলা ১০ শতাংশ, ক্ষুদ্রন্যগোষ্ঠীর জন্য ৫ শতাংশ। এখানে কওমী মাদ্রাসার জন্য কোনো শতাংশই নেই। শতাংশ থাকবে কীভাবে! কওমী মাদ্রাসার সার্টিফিকেটের চার আনার মূল্যই তো এই রাষ্ট্রিয়স্ত্রের কাছে সেদিনও ছিল না, আজও নেই।

বলা হতে পারে যে, আওয়ামীলীগ আমলে তো কওমী সনদের মান দেওয়া হয়েছিল, কিন্তু তা মান-না-অপমান সেটাই ভাবনার বিষয়। যখন সরকারি অফিসগুলোর গেটে লেখা থাকে কওমী সনদ গ্রহণযোগ্য না, তখন এটাকে আমরা অপমান হিসেবেই দেখি। সে জায়গা থেকে হাসিনাশাহীর দেওয়া কওমী সনদ পুরো কওমী অঙ্গনের জন্য অপমান বটেই।

তাহলে ল্যাঠা তো প্রথমেই চুকে যায়! কোটিবাজির বিরুদ্ধে শুরু হওয়া আন্দোলনে কওমী মাদ্রাসার ছাত্র শিক্ষক ও দেশের আলেম উলামার অন্তর্ভুক্ত থাকার প্রয়োজনই থাকে না! কিন্তু ল্যাঠা এখানে চুকবে না। কাবণ কওমী মাদ্রাসা এমন এক ব্যারাকের নাম যেখানে লাউ আর ডালের পানি খেয়ে জীবন যাপন করা সৈন্যরা দেশ-দশ ও সমাজের চাহিদায় সবার আগে সবার সাথে জীবন দিতে বাঁপিয়ে পড়ে। ফলে নিজেদের চাকরির কোনো সুযোগ সন্তোষনা না থাকা সত্ত্বেও বৈষম্যবিরোধী ছাত্র আন্দোলনের শুরু থেকে সমর্থন সম্মতি ও আন্দোলন তুঙ্গে উঠলে একেকটা এলাকায় দুর্গ বানিয়ে দাঁড়িয়ে গেছে কওমী মাদ্রাসার অরুণ তরংগেরা।

যৌক্তিক এই আন্দোলনে একের পর এক লাশ পড়তে পড়তে অভ্যর্থনে

## হজুরদের না থাকাই ছিল থাকা

শিরোনাম দেখে একটু হাসতে পারেন! না থাকা আবার থাকা হয় কীভাবে? থাকা যখন আন্দোলনকে পঞ্চ করা বা অন্য খাতে প্রবাহিত করার সুযোগ সৃষ্টি করে তখন না থাকার অর্থই হচ্ছে থাকা। ব্যাপারটা একটু বুঝিয়ে বালি! ফ্যাসিস্ট হাসিনা যে কয়টা টার্মকার্ড ইউজ করে বিগত ১৭ বছর নিজের মসনদ টিকিয়ে রেখেছিল এবং আন্তর্জাতিক সমর্থন আদায় করে আসছিল তার অন্যতম হচ্ছে ‘জঙ্গি দমন’। আর আন্তর্জাতিক কালো চোখে জঙ্গি মানে জুববা, দাঢ়ি, টুপি মিশ্রণে প্রতিবাদী কোনো চিত্র। তাই গণঅভ্যর্থন পূর্ব সময়ে ফ্যাসিস্ট হাসিনার আমলে যতগুলো ম্যাসাকার হয়েছে, তারমধ্যে সবচেয়ে বড় ম্যাসাকার—তেরো সালের ৫ই মে রাতে হেফাজতের হত্যাক্ষণ হওয়া সত্ত্বেও জাতীয়ভাবে এবং আন্তর্জাতিকভাবে হাসিনাকে কোনো চাপে পড়তে হয়নি। বরং জঙ্গি দমনে হাসিনা সরকার যে সফল এটা সে আন্তর্জাতিক মহলে প্রমাণ করতে পেরেছে। ফলে যখনই আলেম উলামা তোহিদি জনতা কোনো আন্দোলনে নামতো তখন এটাকে পঞ্চ করতে গুলির আদেশ প্রদানে এক দণ্ডও অপেক্ষা করতে হতো না! যার উজ্জ্বল প্রমাণ ২০ সালে মোদিবিরোধী আন্দোলন। এই আন্দোলনের জের ধরে শুধু ছাত্র জনতাকেই হত্যা করেনি বরং দেশের সাহসী সন্তান, দেশপ্রেমিক আগেম উলামাদেরকেও দীর্ঘ কারাবরণে বাধ্য করেছে।

এখন যে বৈষম্যবিরোধী ছাত্র আন্দোলনের মাধ্যমে এই অভ্যর্থন সফল হলো এটা অংকুরেই নষ্ট করে দিত, যদি দেখত এখানে জুববা দাঢ়ি টুপিওয়ালা হজুর আছে। কারণ এই হজুর শ্রেণির রক্তের মূল্য, না হাসিনার কাছে আছে আর না দেশের অন্য সাধারণ কারো কাছে। ফলে হজুররা শুরু থেকে দৃশ্যমান থাকলে, দশটা হজুরের লাশ ফেলে আন্দোলনও থামিয়ে দেওয়া যেত। আবার কেউ কোনো প্রতিবাদও করত না। যেমন করেনি হেফাজতের সময়। বরং শিক্ষিত একটা শ্রেণি সবসময় হাসিস্টাটাই করেছে বলা যায়। সে জায়গা থেকে

## ফেসবুক যখন হাতিয়ার

ফেসবুক প্রজন্ম, অনলাইন প্রজন্ম বলে গালি খাওয়া জেনারেশন যখন সত্য সত্যই ফেসবুক ও অনলাইনের মাধ্যমে একটা যৌক্তিক আন্দোলন শুরু করে, এর সফল সমাপ্তি ঘটিয়ে দেয় তখন বলতেই হয় ফেসবুক এই প্রজন্মের বড় হাতিয়ার। আন্দোলন শুরু থেকে নিয়ে আন্দোলন বালেগ হওয়া অর্থাৎ এর লেলিহান শিখা দেশব্যাপি ছড়িয়ে যাওয়া পর্যন্ত এই আন্দোলনের অন্যতম চালিকা শক্তি ছিল ফেসবুক। ফেসবুকের পোস্ট-লাইক-কমেন্ট-শেয়ার একজন ব্যক্তি কার পক্ষে সমর্থন যোগাচ্ছে এটা প্রমাণ করত। সমন্বয়কদের যাবতীয় কর্মসূচি মুহূর্তের মধ্যে ছড়িয়ে পড়ত ফেসবুকের মাধ্যমে। কওমী মাদ্রাসার ছাত্র ও আলেম সমাজের প্রথম সমর্থন আসতে শুরু হয় ফেসবুকে। কওমী মাদ্রাসা পড়ুয়া ফেসবুক এক্সিভিস্টগণ শুরু থেকেই এই আন্দোলনের প্রতি সমর্থন দিয়েছেন।

সেসময় কওমী মাদ্রাসা পড়ুয়া কোনো ছাত্র বা আলেমদের মধ্য হতে উল্লেখযোগ্য এমন একজনকেও পাওয়া যাবে না, যে এ আন্দোলনের বিরোধিতা করেছে। বিরোধিতা প্রসঙ্গ আনলাম এ জন্য যে, তখন অনলাইনে বৃহত্ত সুশীল সেলিব্রিটি ছিল, যারা এ আন্দোলনে সমর্থন তো করেইনি, উল্লে এর বিরোধিতা করেছে, এর বিরোধী ক্যাম্পেইনে অংশ নিয়েছে। সে জায়গা থেকে বিরোধিতা না করাটাও আন্দোলনের সহযোগিতার অংশ হিসেবে আমরা গর্বের সাথে বলতে পারি, আহলে হক একজন আলেমও ছাত্রদের যৌক্তিক এই দাবির সাথে দ্বিত পোষণ করেননি, এর বিরোধিতা করেননি।

আপনি যদি এসময়ের কওমী ঘরানার জনপ্রিয় তরঙ্গ এক্সিভিস্ট— আশরাফ মাহদী, তানজিল আরেফিন আদনান, আব্দুল্লাহ আল মাসউদ, রিদওয়ানুল হক, আশরাফুল হক, নেসারুল্লাহ রশ্মান, রায়হান তারীম,

## দেশ স্বাধীন না হলে আমার লাশও খুঁজে পাওয়া যেত না!

আন্দোলনের দিনগুলোতে যাদের ফেসবুক পোস্টে আমরা আপটুডেট থাকতাম, তাদের একজন আমাদের ছবিয়াল ভাই, ইখলাস আল ফাহিম। সেসময় ইখলাস ভাই তার বোনের চিকিৎসার জন্য বেশ পেরেশান ছিলেন। তারপরও সময় সুযোগ করে অনলাইনে সর্বোচ্চ এক্সিভিটিউচন চালিয়ে গেছেন। অফলাইনেও মাঠে নেমেছিলেন তিনি। ইখলাস ভাইয়ের সাথে তার সেসময়ের এক্সিভিটিউচন নিয়ে খুব সামান্য সময় কথা হয়েছে, সে আলোচনাই এখানে তুলে ধরছি।

আমি : ২৪-এর গণঅভ্যর্থনানে আপনাকে আমরা নিউজ রিপোর্টারের মতো আপডেট দিতে দেখেছি, সেসময় এভাবে পোস্ট করতেন, ভয় লাগত না?

ইখলাস আল ফাহিম : সত্যি বলতে ভয় তখন আর ছিল না। ১৮-এর কেটো আন্দোলনে আমি সরাসরি মাঠে ছিলাম নিয়মিতই। এরপর সড়ক আন্দোলনেও ছিলাম। প্রতিদিন ফরিদাবাদ থেকে যেতাম ক্যামেরা নিয়ে, ছবি তুলতাম, ধাওয়া খেতাম আবার চলে আসতাম। ২-৩ বার এমন হয়েছে, ক্যামেরা হাতের গ্রিপে আটকে থাকায় পড়ে গিয়েও ভাঙেনি। একবার পুলিশ আর ছাত্রলীগ দুইপাশে। আমরা প্রায় ২০-২৫ জন ধানমন্ডির এক বাসার ছাদে-রূমে, যে যেখানে পেরেছি পালিয়েছিলাম। সাথী কয়েকজন আহত হয়েছিল। আমার পরিচিত এক ফটো সাংবাদিকের ক্যামেরা নিয়ে নেয় ওরা। ঘণ্টাদুয়েক পর বের হয়ে আবার আন্দোলন করেছি। এগুলো তখনকার সময়ের টুকরো টুকরো কথা। সত্যি বলতে আমার ভয় তখনই চলে গিয়েছিল। এবার ভয় বলতে কিছু ছিল না।

## হাজত থেকে বের হয়ে দেখি দেশ স্বাধীন হয়ে গেছে

বৈষম্যবিরোধী ছাত্র আন্দোলনে সম্মুখপানে আমাদের যে ক'জন ভাই  
লড়াই করেছেন, রায়হান আহমেদ তামীর তাদের একজন। অনলাইনে তো সক্রিয়  
ছিলেনই সাথে মাঠেও ছিলেন সমানতালে। শেষদিন গ্রেফতারও হয়েছিলেন।  
রায়হান তামিমের সাথে সংক্ষিপ্ত কিছু কথোপকথন হয়েছে। চলুন পড়ে দেখি—

আমি : আন্দোলনে কবে থেকে নেমেছিলেন?

রায়হান তামীর : আন্দোলনে শুরু থেকেই যুক্ত ছিলাম। সন্তুষ্ট ৮/৯  
জুলাই প্রথম রাস্তায় নেমে আসি।

আমি : কোটার সাথে তো কওমীর ছাত্রদের সম্পৃক্ততা ছিল না, আপনার  
মোটিভটা কী ছিল?

রায়হান তামীর : কেটা বাতিলের সাথে একাত্মতা প্রকাশ করা তো  
মানবিক দাবি ছিল। এর জন্য নিজের স্বার্থ থাকাটা জরুরি মনে করি না। একজন  
শিক্ষার্থী এতগুলো বছর পড়াশোনা করে চাকরি পাবার ক্ষেত্রে নাস্তার বেশি  
পেয়েও পিছিয়ে যায়, শুধুমাত্র কোটার কারণে! এটা তো অমানবিক! একজন  
সচেতন মানুষ হিসেবে এর বিরোধিতা সবসময়ই করেছি, ১৮-এর কোটা  
সংস্কার আন্দোলনেও।

আমি : অনলাইনে আপনার এক্সিভিটি প্রশংসনীয় ছিল, অফলাইনেও  
বেশ সক্রিয় ছিলেন আপনি, কোনো হৃষকি ধারকির সম্মুখীন হয়েছেন কি না?

রায়হান তামীর : অনলাইনে বেশ কিছু হৃষকি-ধর্মকি পেয়েছি। তেমন  
গুরুত্ব দিইনি। এছাড়াও আইনশংগ্রাম বাহিনী, গোয়েন্দা সংস্থাগুলো থেকেও

## আন্দোলনে যাওয়ার জন্য মাঝের নাস্তার রূক করে রেখেছিলাম

জুলাই গণঅভ্যর্থনে ডেডিকেশন নিয়ে রাস্তায় নামতে যে কজন কওমী পদ্ধূয়াকে দেখেছিলাম, আমার বন্ধু আনিসুল মুরসালিন তাদের একজন। আমরা একসাথে দেশ-দশ-সমাজ নিয়ে অনেক আলাপ করেছি, অনেক রাত পার করেছি। নেট অফ ও কারফিউ শুরুর সময় আমি ছিলাম রাজশাহী। তখন মুরসালিনকে ফোন দিয়ে আপডেট নিতাম। মুরসালিন এবছর জামিয়া মাদানিয়া বারিধারার দাওরা হাদিসের ছাত্র। পাশাপাশি কবি নজরুল কলেজে ইন্টার সেকেন্ড হায়ারে অধ্যায়নরত আছে। আন্দোলনের দিনগুলোর স্মৃতিচারণ নিয়ে তার সাক্ষাৎকারটি অত্যন্ত গুরুত্বপূর্ণ। বিশেষত যাত্রাবাড়ি এরিয়ার সার্বিক পরিস্থিতি জানতে পারবেন।

আমি : জুলাই আন্দোলনে কবে থেকে অংশ নিয়েছিলেন?

মুরসালিন : ১৮-ই জুলাই থেকে রাস্তায় নেমে আন্দোলন করি। তার আগে ১৫-ই জুলাই থেকে অনলাইনে এন্ট্রিভ হই এবং ছটফট করতে থাকি রাজপথে নেমে আন্দোলন করার জন্য। কিন্তু ওই তিনিদিন আন্দোলন হচ্ছিল অনেকটা ক্যাম্পাস আর হল কেন্দ্রিক, যার কারণে ভেতরে ভেতরে ছটফট করলেও আন্দোলনে অংশ নিতে পারছিলাম না।

আমি : এই আন্দোলন তো ছিল কোটা পদ্ধতির বিরুদ্ধে, আপনি তো মাদ্রাসার ছাত্র, কোটার বামেলা নেই, আপনি কেন আন্দোলনে গেলেন?

মুরসালিন : আমি মাদ্রাসার ছাত্র হিসেবে আমার সাথে কোটার কোনো সংযোগ নেই এটা যেমন সত্য আবার আমি তো কলেজেও পড়তেছি, সেই হিসেবে কোটাবিরোধী আন্দোলনে আমারও স্বার্থ আছে এটাও সত্য। তবে এর

## উত্তরায় মাদ্রাসার ছাত্রদের সাহসী অবস্থান

জুলাই গণঅভ্যর্থনা অভ্যর্থনা হিসেবে রূপ দেওয়ার বিশেষ সহযোগী ছিল উত্তরার এক্সিভিটি। কারণ ঢাবি যেদিন বন্ধ ঘোষণা করা হয় এবং নেট অফ করে দেওয়া হয় তারপর আন্দোলন কন্টিনিউ করে প্রাইভেট ইউনিভার্সিটির পোলাপান। আর অধিকাংশ প্রাইভেট ইউনিভার্সিটি উত্তরার সাইডে হওয়ায় এই আন্দোলনে অত্যন্ত গুরুত্বপূর্ণ হয়ে উঠে উত্তরা। উত্তরাতে সামনের সারিতে নেতৃত্ব যারা দিয়েছেন, রফিকুল ইসলাম আইনি ভাই তাদের অন্যতম। তার নেতৃত্বে প্রাইভেটের সাথে সাথে মাদ্রাসারও অসংখ্য স্টুডেন্ট মাঠে নামে। চলুন তার মুখেই উত্তরার আন্দোলন ও মাদ্রাসার ছাত্রদের অবদান শুনি।

**আমি :** আন্দোলনে কবে থেকে নেমেছিলেন?

**আইনি ভাই :** কোটা সংস্কার আন্দোলনের শুরু থেকেই তো এই আন্দোলনের প্রতি সমর্থন ছিল। তাছাড়া আপনি জানেন বিগত ফ্যাসিস্ট সরকারের আমলে তার যাবতীয় দমন নিপীড়নের প্রতিবাদ ও বিরোধিতা করেছি আমরা। তবে প্রথম মানসিকভাবে ধাক্কা খাই ১৫ তারিখে। যখন ছাত্রলীগের ছেলেরা মেয়েদের গায়ে পর্যন্ত হাত তুলে, বিশেষত একটা ছবি তোয়া নামের ভয়ার্থ জুরুথুব হয়ে লাঠি হাতে দাঁড়িয়ে থাকা মেয়েটার ছবি দেখে আর স্থির থাকতে পারিনি। পরেরদিন ১৬ তারিখ উত্তরাতে মাঠে নামি। সেদিন অল্পকিছু মাদ্রাসার ছাত্র ছিল। আমরা সন্ধ্যাতে চলে যাই।

**আমি :** আমরা দেখেছি উত্তরাতে বেশ এক্সিভিশন। তারপর কীভাবে আন্দোলন কন্টিনিউ করলেন?

**আইনি ভাই :** ১৮ তারিখে যখন বৈষম্যবিরোধী ছাত্র আন্দোলন শাটডাউন কর্মসূচি দেয় তখন আমরা পরিকল্পিতভাবে মাঠে নামি। উত্তরার মাদ্রাসার ছাত্রদের সাথে আমার পরিচয় ও সম্পর্ক ছিল আবার আমি

## বৈষম্যবিরোধী ছাত্র আন্দোলনে জামিয়া ফরিদাবাদ

আন্দোলন যখন তুঙ্গে ছাত্রদের পক্ষ থেকে কমপ্লিট শাটডাউন ও অসহযোগ আন্দোলনের কর্মসূচি চলছে। আমি মনে মনে চাচ্ছিলাম, আমাদের ফরিদাবাদ থেকে সমষ্টিগতভাবে বের হোক। শুধু আমিই না তখন সবার মনের মধ্যে এমন এক অবস্থা চলছিল। ছাত্ররা নিয়মিত পত্রিকা নিছিল। যারা মোবাইল রাখত তারা কমবেশি সবসময় আপডেট জানাচ্ছিল। বলা যায় আমদের দাওরাসহ পুরো মাদ্রাসার ছাত্ররা অস্ত্রিতার মধ্য দিয়ে সময় পার করছিল। এরমধ্যে দায়িত্বশীল ছাত্ররা সংশ্লিষ্ট দুয়োকজন উস্তাদের কাছে গিয়ে আবেদন ও জানাচ্ছিল।

সময়টা এমন ছিল, উস্তাদগণ বিশেষত তরঙ্গ শিক্ষক যারা আছেন তারা কমবেশি সবাই চাচ্ছিলেন মাদ্রাসার ছাত্রাও এই জুলুমের বিরুদ্ধে অংশ নিক। প্রাতিষ্ঠানিক কিছু নিয়ম কানুনের জন্য তারা সরাসরি বলতে পারছিলেন না ‘তোমরাও নামো’। আবার বিবেকের দায়ে নিমেধ করতেও পারছিলেন না। একপ্রকার ইশারায় বুঝিয়েছিলেন, জামিয়া ফরিদাবাদ উন্মাদ ও দেশের প্রয়োজনে কখনো পিছিয়ে ছিল না, এখনো থাকবে না।

এই ইশারাতেই আমাদের দাওরার দায়িত্বশীল ছাত্ররা বিশেষত রেজাউল, মুস্তাসিম, মাসউদ, সাআদ, আব্দুল্লাহসহ প্রতি রুমের জিম্মাদার ও সচেতন ছাত্ররা মেশকাত জালালাইনের দায়িত্বশীল ছাত্রদের নিয়ে পরামর্শ করে। এটা ও তারিখ রাতের ঘটনা। ৪ তারিখে সর্বপ্রথম ফরিদাবাদ থেকে আমরা একসাথে শ্লোগান দিয়ে মাদ্রাসার মাঠে জমা হই। তারপর মাদ্রাসার গেট থেকে পোস্টগোলা অভিমুখে মিছিল নিয়ে রওনা হই। এসময়ে আমাদের ছাত্র ভাইয়েরা নানাধরনের ফ্যাসিবাদ-বিরোধী শ্লোগান দিচ্ছিল। ফরিদাবাদের ছাত্রদের বের হতে দেখে এলাকাবাসী খুব খুশি হয়। আমাদের সাথে এলাকাবাসীও মিছিলে অংশ নেয়।

## আন্দোলনের পাওয়ার হাউজ যাত্রাবাড়ি মাদ্রাসা

জুলাই আন্দোলনে যাত্রাবাড়ি এলাকার কথা আপনাদের মনে থাকার কথা। কেউ বলে আন্দোলনের পাওয়ার হাউজ আবার কেউ বলে লাইট হাউজ। তবে পাওয়ার হাউজ বলেন আর লাইট হাউজ বলেন যাত্রাবাড়ির আন্দোলনে প্রাণ ছিল মাদ্রাসার ছাত্ররা। কীভাবে একটু বুঝিয়ে বলি। যাত্রাবাড়িতে কোনো ইউনিভার্সিটি ছিল না! আবার এমন কোনো কলেজও নাই যার আবাসিক হলো ম্যানব্যাংক হিসেবে কাজে আসবে। তবে যাত্রাবাড়িতে কী আছে? শুধু যাত্রাবাড়ি এলাকার চতুর্পাশে ছোটবড় মিলিয়ে ২ হাজারেরে অধিক কওমী মাদ্রাসা আছে। এই মাদ্রাসাগুলোই যাত্রাবাড়ির আন্দোলনের পাওয়ার ব্যাংক হিসেবে কাজ করেছে। এমনিতে ঘনবসতি এরিয়া তার উপর এতগুলো মাদ্রাসা, সবমিলিয়ে যাত্রাবাড়িতে আন্দোলনে সাধারণ জনতার বিশেষ সাহসের জায়গা ছিল মাদ্রাসার ছাত্ররা।

এখানে শুধু যাত্রাবাড়ি বড় মাদ্রাসার কথা বলছি তা না! যাত্রাবাড়ির ছোটবড় সব মাদ্রাসা মিলেই যাত্রাবাড়ি মাদ্রাসা। পুরো যাত্রাবাড়ি এরিয়াটা মাদ্রাসা দিয়ে ঘেরা। ফলে যেদিক দিয়েই এনিমি আসুক মাদ্রাসার ছাত্রদের ফেইস করতে হয়েছে। তবে আন্দোলনে একটা গুরুত্বপূর্ণ রোল প্লে করেছে সাবেক স্বরাষ্ট্র মন্ত্রীর প্রিয় এই মাদ্রাসা।

যাত্রাবাড়ি বড় মাদ্রাসায় ছাত্র সংখ্যা প্রায় ৭ হাজার। বড় ছাত্রদের একটা অংশ কুতুবখালি এলাকার বিল্ডিংগুলোতে থেকে অনাবাসিক পড়াশোনা করে। আবার ফারেগীন ছাত্রদের একটা অংশ মাদ্রাসার আশেপাশে থেকে নিজেদের ব্যবসা ও চাকরি-বাকরি করে। ফলে যাত্রাবাড়ি বড় মাদ্রাসার আশেপাশের বিল্ডিং রাস্তাঘাট সবকিছু বড় মাদ্রাসার ছাত্র দিয়ে ঘেরা।

## ফ্যাসিবাদ বিরোধী অগ্রসেনানী জামিয়া মাদানিয়া বারিধারা

হাসিনার ফ্যাসিবাদ বিরোধী লড়ইয়ে যদি ৫টি প্রতিষ্ঠানের নাম থাকে তবে জামিয়া মাদানিয়া বারিধারার নাম থাকবে তাতে। এটা শুধু জুলাই গণঅভ্যর্থনারে কথা বলছি না বরং হাসিনার পুরো শাসনামলের সময়ের সামগ্রিক অবস্থার কথা বলছি। জামিয়া মাদানিয়া বারিধারার প্রতিষ্ঠাতা ও মুহতামিম আঙ্গুশামা নূর হোসাইন কাসেমী রহ. আম্বত্য হাসিনার ফ্যাসিবাদের বিরোধিতা করে গেছেন। কাসেমী রহ.-এর জীবদ্ধশায় ফ্যাসিবাদ বিরোধী সকল আন্দোলনে বারিধারার ছাত্ররা স্বশরীরে অংশগ্রহণ করত। সেসময় কাসেমী রহ. রাজনীতি ও হাসিনার ফ্যাসিবাদ বিরোধিতায় এতটাই প্রাসঙ্গিক ছিলেন যে, মাওলানা মামুনুল হকদের মতো ব্যক্তিদের উপর প্রশাসন থেকে চাপ থাকত, সব করা যাবে কিন্তু বারিধারা ও কাসেমী সাহেবের সাথে থাকা যাবে না। একথা কাসেমী সাহেবের ইস্তেকালের পর স্মরণসভায় মাওলানা মামুনুল হক সাহেব নিজে বলেছেন।

এন্টি হাসিনা রুলের জন্য বারিধারার বর্তমান মুহতামিম মুফতি মুনির কাসেমীকে দীর্ঘদিন কারাবরণ করতে হয়।

জুলাইয়ে কেটা সংক্ষার আন্দোলন খখন শুরু হয় তখন বারিধারা প্রথম আন্দোলনে কন্ট্রিভিউট করে আন্দোলনরত শিক্ষার্থীদের ঠাণ্ডা পানি ও শরবত খাওয়ানোর মাধ্যমে। ১৫ জুলাই মঙ্গলবার। বারিধারা মাদ্রাসার সাথেই নতুন বাজার মোড়ে পুরো রাস্তা ঝুক করে আন্দোলন করছিল ইউনাইটেড ইন্টারন্যাশনাল ইউনিভার্সিটির শিক্ষার্থীরা। মাদ্রাসার কয়েকজন ছাত্র খেয়াল করল প্রথর রোদে তীব্র তাপদাহে ছাত্ররা আন্দোলনরত অবস্থায় আছে। তারা তাদের প্রতি সহানুভূতিশীল হয়ে পানি-শরবত খাওয়ানোর ইচ্ছা করল। প্রথমে তারা মাওলানা জাকির কাসেমী সাহেবের কাছে গিয়ে নিজেদের অভিব্যক্তি